

PRAVILNIK**O SADRŽAJU, NAČINU I STANDARDIMA
OBJAVLJIVANJA FINANSIJSKIH IZVJEŠTAJA I
DRUGIH INFORMACIJA O POSLOVANJU
DIONIČKOG DRUŠTVA****I - OPĆE ODREDBE****Član 1.**

Ovim pravilnikom se propisuju vrste, obavezni oblik i sadržaj izvještaja, rokovi i načini dostavljanja Komisiji za vrijednosne papire Federacije Bosne i Hercegovine (u daljem tekstu: Komisija) finansijskih izvještaja i drugih informacija, kao i način objavljivanja izvještaja i izvještavanja dioničara i javnosti o poslovanju dioničkog društva.

Član 2.

Dioničko društvo koje je svoje dionice emitovalo putem javne ponude i upisano je u registar emitenata kod Komisije, a ne kotira ne berzi dužno je izvještavati Komisiju jednom godišnje kroz godišnji izvještaj o poslovanju na obrascima za elektronsko izvještavanje iz stava 2. ovog člana, kroz Skraćeni godišnji izvještaj o poslovanju (Prilog broj 2.) i putem izvještaja o događajima koji bitno utiču na finansijsko poslovanje dioničkog društva.

Godišnji izvještaj o poslovanju za dionička društva koja ne kotiraju na berzi sadrži samo elektronske obrasce i to Tabele A, B, C i D obrazaca za elektronsko izvještavanje (obrasci: OEI-PD, OEI-FIN, OEI-OSG) ovog pravilnika, koji se dostavljaju Komisiji u roku od 15 dana od dana usvajanja godišnjeg finansijskog izvještaja na skupštini dioničkog društva.

Član 3.

Pod dionicama emitovanim putem javne ponude podrazumijevaju se dionice emitovane u skladu sa čl. 13.-35., 133. i 134. Zakona o vrijednosnim papirima.

Član 4.

Dioničko društvo koje kotira na berzi dužno je sačinjavati i objavljivati podatke o vrijednosnim papirima i svom finansijskom poslovanju i o njima izvještavati dioničare, javnost i Komisiju kroz:

1. godišnji izvještaj o poslovanju,
2. polugodišnji izvještaj o poslovanju,
3. izvještaj o događajima koji bitno utiču na finansijsko poslovanje.

Načini izvještavanja propisani su ovim pravilnikom, a izvještaji se dostavljaju, odnosno objavljuju u obliku i sadržaju utvrđenom priložima koji čine sastavni dio ovog pravilnika i to:

- Obavezni elementi godišnjeg izvještaja o poslovanju (Prilog broj 1.),
- Obavezni elementi skraćenog godišnjeg izvještaja o poslovanju (Prilog broj 2.),
- Obavezni elementi polugodišnjeg izvještaja o poslovanju (Prilog broj 3.),
- Obrasci za elektronsko izvještavanje (obrazci: OEI-PD, OEI-FIN, OEI-OSG).

Tekući izvještaji o događajima koji bitno utiču na finansijsko poslovanje dioničkog društva dostavljaju se i objavljuju na način propisan članom 9. ovog pravilnika.

Prilikom popunjavanja obrazaca za elektronsko izvještavanje, koji se dostavljaju Komisiji, dioničko društvo je obavezno slijediti uputstva za popunjavanje obrazaca, koji su njihov sastavni dio.

Dioničko društvo koje kotira na berzi je dužno izvještaje dostavljati Komisiji na obrascima u pisanom obliku i u vidu elektronskog zapisa, u skladu sa ovim pravilnikom.

Obrasci za elektronsko izvještavanje biti će dostupni u sjedištu Komisije i na WEB stranici Komisije (w.w.w. komvp.gov.ba).

Član 5.

Komisija nije odgovorna za tačnost, istinitost i potpunost podataka koja dionička društva navode u svojim izvještajima.

II - GODIŠNJI FINANSIJSKI IZVJEŠTAJ**Član 6.**

Godišnji finansijski revidirani i konsolidovani izvještaj sačinjavaju sva dionička društva (kotirana i nekotirana), a izvještaj potpisuje direktor i predsjednik nadzornog odbora.

Nakon usvajanja godišnjeg finansijskog izvještaja, sa nalazom neovisnog revizora, od strane nadzornog odbora dioničkog društva, godišnji finansijski izvještaj, sa nalazom neovisnog revizora, se podnosi na usvajanje skupštine dioničkog društva.

Nakon usvajanja na skupštini dioničkog društva godišnji finansijski izvještaj, sa nalazom neovisnog revizora, obavezno se objavljuje na oglasnoj ploči dioničkog društva u roku od sedam dana od dana usvajanja na skupštini dioničkog društva.

Član 7.

Godišnji finansijski izvještaj o poslovanju dioničkog društva koje kotira na berzi, koji nadzorni odbor podnosi na usvajanje skupštini dioničkog društva, mora biti sačinjen u obliku i sadržaju, kako je to utvrđeno u prilogu koji je sastavni dio ovog pravilnika (Prilog broj 1.).

Dioničko društvo koje kotira na berzi dužno je, u roku od 15 dana od dana usvajanja godišnjeg finansijskog izvještaja na skupštini dioničkog društva, dostaviti Komisiji godišnji finansijski izvještaj sa nalazom neovisnog revizora (Prilog broj 1.) i popunjene obrasce za elektronsko izvještavanje.

Član 8.

Sva dionička društva (kotirana i nekotirana) obavezno sačinjavaju Skraćeni godišnji izvještaj o poslovanju dioničkog društva, prema obrascu Prilog broj 2. ovog pravilnika.

Sva dionička društva (kotirana i nekotirana) su dužna, najkasnije u roku od 15 dana od dana usvajanja godišnjeg finansijskog izvještaja na skupštini dioničkog društva, objaviti skraćeni godišnji izvještaj o poslovanju dioničkog društva (Prilog broj 2.) sa mišljenjem neovisnog revizora, u najmanje jednom dnevnom listu koji izlazi na teritoriji Federacije Bosne i Hercegovine (u daljem tekstu: Federacija) i dostaviti ga Komisiji.

III - POLUGODIŠNJI FINANSIJSKI IZVJEŠTAJ**Član 9.**

Polugodišnji izvještaj o poslovanju dioničkog društva koje kotira na berzi sačinjava uprava dioničkog društva, a usvaja nadzorni odbor dioničkog društva i obavezno sadrži podatke iz Priloga 3. ovog pravilnika.

Dioničko društvo koje kotira na berzi je dužno najkasnije u roku od sedam dana od dana usvajanja polugodišnjeg finansijskog izvještaja, dostaviti Komisiji polugodišnji finansijski izvještaj o poslovanju dioničkog društva (Prilog broj 3.) i popunjene obrasce za elektronsko izvještavanje.

IV - IZVJEŠTAJ O BITNIM DOGAĐAJIMA**Član 10.**

Tekući izvještaji su izvještaji o događajima koji bitno utiču na finansijsko poslovanje dioničkog društva, a navedeni su u članu 112. Zakona o vrijednosnim papirima.

Sva dionička društva (kotirana i nekotirana) su dužna, u roku od osam dana od dana događaja, dostaviti Komisiji pismeni izvještaj o svakom događaju iz stava 1. ovog člana, koji sadrži: kratak opis događaja koji bitno utiče na finansijsko poslovanje dioničkog društva, vrijeme i mjesto događaja uz opis uzroka koji su doveli do događaja, kao i navesti pravna i fizička lica koja su uključena u događaj.

Sva dionička društva (kotirana i nekotirana) su dužna, u roku od osam dana od dana događaja, objaviti obavijest o događaju koji bitno utiče na finansijsko poslovanje dioničkog društva u najmanje jednom dnevnom listu, koji izlazi na teritoriji Federacije i istu obavijest, u roku od osam dana od dana događaja, dostaviti Komisiji.

V - IZVJEŠTAVANJE DIONIČARA

Član 11.

Na zahtjev dioničara svako dioničko društvo (kotirano i nekotirano) je dužno dioničaru koji je podnio zahtjev dostaviti godišnji i/ili polugodišnji finansijski izvještaj o poslovanju.

Troškove dostave godišnjeg i/ili polugodišnjeg izvještaja dioničara na njegov zahtjev, najviše u iznosu stvarnih troškova štampanja i dostavljanja, snosi dioničar.

Obrasci dostavljeni Komisiji u elektronskom obliku objavljuvat će se na WEB stranici Komisije.

VI - PRIJELAZNE I ZAVRŠNE ODREDBE

Član 12.

Sva dionička društva (kotirana i nekotirana) dužna su primjenjivati odredbe ovog pravilnika i prilikom sačinjavanja,

usvajanja, dostavljanja i objavljivanja godišnjeg finansijskog izvještaja o poslovanju za 2002. godinu.

Član 13.

Danom stupanja na snagu ovog pravilnika prestaje da važi Pravilnik o sadržaju, načinu i standardima objavljivanja finansijskih izvještaja i drugih informacija o poslovanju dioničkog društva ("Službene novine Federacije BiH", broj 18/02), osim Priloga broj 1., br. 2. i 3., koji ostaju na snazi i čine sastavni dio ovog pravilnika.

Član 14.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Predsjednik

Broj 01-02-699/03
10. aprila 2003. godine
Sarajevo

Komisije za vrijednosne papire
Federacije Bosne i Hercegovine
Edib Bašić, s. r.

SADRŽAJ

PREDSJEDNIK/DOPREDSJEDNIK FEDERACIJE BOSNE I HERCEGOVINE		koordinacionog odbora za zaštitu okoliša BiH" (bosanski jezik)	600
140 Odluka o pomilovanju pravomoćno osuđenih osoba	597	145 Odluka o odobravanju izdvajanja sredstava iz Proračuna Federacije Bosne i Hercegovine za 2003. godinu Obavještajno-sigurnosnoj službi Federacije Bosne i Hercegovine (hrvatski jezik)	601
VLADA FEDERACIJE BOSNE I HERCEGOVINE		Odluka o odobravanju izdvajanja sredstava iz Budžeta Federacije Bosne i Hercegovine za 2003. godinu Obavještajno-sigurnosnoj službi Federacije Bosne i Hercegovine (bosanski jezik)	601
141 Odluka o unutarnjoj prepaspodjeli sredstava iz Proračuna Federacije Bosne i Hercegovine za 2003. godinu Predstavničkom-Zastupničkom domu Parlamenta Federacije Bosne i Hercegovine (hrvatski jezik)	598	146 Odluka o utvrđivanju modela za reprogramiranje tražbina elektroprivrednih poduzeća iz Federacije Bosne i Hercegovine od određenih kategorija korisnika isporučene električne i toplotne energije (hrvatski jezik)	601
Odluka o unutarnjoj prepaspodjeli sredstava iz Budžeta Federacije Bosne i Hercegovine za 2003. godinu Predstavničkom-Zastupničkom domu Parlamenta Federacije Bosne i Hercegovine (bosanski jezik)	598		
142 Odluka o unutarnjoj prepaspodjeli sredstava iz Proračuna Federacije Bosne i Hercegovine za 2003. godinu Domu naroda Parlamenta Federacije Bosne i Hercegovine (hrvatski jezik)	599	Odluka o utvrđivanju modela za reprogramiranje potraživanja elektroprivrednih preduzeća iz Federacije Bosne i Hercegovine od određenih kategorija korisnika isporučene električne i toplotne energije (bosanski jezik)	602
Odluka o unutarnjoj prepaspodjeli sredstava iz Budžeta Federacije Bosne i Hercegovine za 2003. godinu Domu naroda Parlamenta Federacije Bosne i Hercegovine (bosanski jezik)	599	147 Odluka o unutrašnjoj preraspodjeli sredstava iz Budžeta Federacije Bosne i Hercegovine za 2003. godinu za Vladu Federacije Bosne i Hercegovine	603
143 Odluka o odobravanju izdvajanja sredstava iz Proračuna Federacije Bosne i Hercegovine za 2003. godinu Sudu za ljudska prava Federacije Bosne i Hercegovine za veljaču i ožujak (hrvatski jezik)	599	148 Rješenje o razrješenju članova Komisije za rješavanje zahtjeva za odštetu koje podnosi SFOR	603
Odluka o odobravanju izdvajanja sredstava iz Budžeta Federacije Bosne i Hercegovine za 2003. godinu Sudu za ljudska prava Federacije Bosne i Hercegovine za februar i mart (bosanski jezik)	600	149 Rješenje o imenovanju Komisije za rješavanje zahtjeva za odštetu koje podnosi SFOR	603
144 Odluka o odobravanju izdvajanja sredstava iz Proračuna Federacije Bosne i Hercegovine za 2003. godinu za sufinansiranje projekta "Uspostava operativne jedinice koordinacionog odbora za zaštitu okoliša BiH" (hrvatski jezik)	600	150 Rješenje o razrješenju koordinatora aktivnosti između Vlade Federacije Bosne i Hercegovine i Brčko-Distrikta Bosne i Hercegovine	604
Odluka o odobravanju izdvajanja sredstava iz Budžeta Federacije Bosne i Hercegovine za 2003. godinu za sufinansiranje projekta "Uspostava operativne jedinice koordinacionog odbora za zaštitu okoliša BiH" (hrvatski jezik)	600	151 Rješenje o imenovanju koordinatora aktivnosti između Vlade Federacije Bosne i Hercegovine i Brčko-Distrikta Bosne i Hercegovine	604
		152 Rješenje o razrješenju federalnog pravobranioaca	604
		FEDERALNO MINISTARSTVO ENERGIJE, RUDARSTVA I INDUSTRIJE	
		153 Rješenje o razrješenju predsjednika i članova Upravnog odbora "Granit" Jablanica	604